

Ichipingo chabana
Chamiletela

Yesu atalalika
amabimbi



Kalembe ni: Edward Hughes

Bakalenga wafikope: Janie Forest
Alastair Paterson

Abalembulwile: Ruth Klassen

Abayalwile mu chibemba:
Bwembya Epidious Mulopa

Icapangwa na: Bible for Children
www.M1914.org

©2025 Bible for Children, Inc.

Kupoke nsambu: Mwalikwata nsambu uku senda no ku printa ilyashi ili,
chikulu mwikashitisha.





Yesu na bafundwa
bakwe bali mu
bwato ilyo
amabimbi
ayakalamba
yaimine. Ya
pupene pali bemba
mu bukali.
Amabimbi ya
musango uyu kuti
ya tobaula ubwato
noku babundisha.



Amabimbi yapeele abasambi umwensho uukalamba sana.
Amatamba ya shingulwike ubwato, kabili ya iswishe
ubwato amenshi. Lelo nangu fyonse ifi fyalechitika
Yesu ninshi nalala mutulo utukalamba pa




chakusailapo.
Ukulala mu
mabimbi.
Abasambi ba
shibwishe
Yesu, ninshi
balelila fye,
"Shikulu,
Shikulu,
twalafwa!"



"Chinshi mukwatile umwensho, mwe bantu aba chichetekelo ichinono?" Yesu aipwishe abasambi bakwe. Panuma yesu akalipile umwela no kuweba ukuleka ukupupa... Kabili Yesu aebele amatamba ukuleka no kutalala tondolo...



NO MWELA WALITALELE ... NA BEMBA
AKWETE UMUTENDE NO KUTALALA. Abasambi
balisungwike, nokutla, "Nani uyu kanshi, uwakuti no
mwela na bemba fya mubela!"




Limbi fye kuntanshi nakabili, Yesu akwete ubushiku ubwa fulilemo ifyakuchita. Abantu ukuchila pa makana yasano balimukonkele ku nchende iyaliko akatalamukila.




Ku maka ya kwa Lesa, Yesu alishishe
ibumba lyonse ili ukubomfya fye
umwikulo wakasuba uwa kalumendo
fye kamo. Nomba ichungulo
chalifikile. Yesu atamfishe bonse.



Na basambi Yesu abatamfische kumo. Yesu abebele ukunina mu bwato noku mutangilila kwi shilya lya bamba wa Galili.





Panuma ya
kutamfya bonse,
Yesu aile pa mulu
wa lupili ekafye
mukupepa. Ilyo
Ichungulo
chafikile, alifye
eka pa lupili.





Ilyo bali pali bemba,
abasambi basangilwe
mu chipupu cha mwela.
Ichimwela chalengele
ukuti abasambi bafilwe
ukwabukila kwi shilya
lya bemba,
nangula
baobele
panshita
iikalamba.





Abasambi tabaishibe
ichalechitika, lelo
bali mukumona
ichisungusho
ichikalamba na
chimbi!





Pakati kanshita kwati
insa iyalenga mutanda
akachelo, mukati ka
chimwela chalepuupa
pali bemba, abasambi
bamwene chimo
ichabalengele umwenso
uukalamba sana.

“Mulungulwa!”
bapundile. Nomba ali
ni Yesu, Shikulu kabili
imfumu yabo, aleisa
kuntu babelele.

**ALEENDA PA
MENSHI.**



"Beni ne nsaansa!" Yesu ali bapundilile. "Nine; mwikwata umwensho." Petelo alyaswike ati, "Shikulu nga nimwe njiteni ukwisa kuli imwe pa menshi." Eicho Yesu atile, "Isa" Mukushipa, Petelo atampwile ukufuma mu bwato no kuya mu menshi, no kwenda ukulungama kuli Yesu.





Nomba ilyo
amwene umwela
ulepupa bukali
bukali, Petelo
aumfwile umwenso
atampile no
kwibila pa menshi.
Alipundile.
"Shikulu
mpususheniko!"



Apo pene Yesu atambike ukuboko kwakwe no kwikata Petelo. "We muntu wa chichetekelo chinono, ninshi wa chitwishikila?" Alimwipwishe. Ilyo Petelo na Yesu bafikile mu bwato, ichimwela chalilekele.



Panuma abali mu bwato
baishile no kupepa
Yesu, batile, "Cha
chine uli mwana wakwa
Lesa."



Yesu atalalika amabimbi

Ilyashi ukufuma mu cebo cakwa Lesa,
Baibele,

Chisangwa mu

Mateo 8, Mateo 14,
Mariko 4 Luka 8

“Ukulondolola kwa chebo chenu kuleta ulubuto.”
Amalumbo 119:130



Impela



Ili lyashi Iya mucipingo litweba pali Lesa wesu uwatubumbile kabili afwaya ukutilati mumwishibe.

Lesa alishiba twalichita ifntu ifibi, ifyo eta ulubembu. Ukupanikwa kwa lubembu nimfwa, lelo Lesa alitutemwa sana eicho atumine umwana wakwe Yesu ukutufwila palupanda nokulimwinwa pa membu shesu. Kabili Yesu alibuka kubafwa nokuya kumwakwe kumulu. Ngamwachetekela muli Yesu nokumulomba ukuti amyelele imembu shenu, alamyelela! Kabili alaisaikala muli imwe ililine, elyo mukekalanankwe umuyayaya.

Ngamwachetekela ati ichi echishinka, soseni amashiwi aya kuli Lesa: We mutemwikwa Yesu, nachetekela ukutila nimwe Lesa, lelo mwasangwike umuntu pakuti mufwile imembu shandi. Pali lelo muli abomi. Iseni mumweo wandi nokwelela imembu shandi pakuti mbe no bumi ubupya nokutila ubushiku bumo nkabe nenu umuyayaya. Ngafweni ukumyumfwila no kwikalila imwe ngo mwana wenu.

AMENI!

Belengeni Baibele chilabushiku nokulanda na Lesa!
Yohane 3:16

